

## QUODLIBETUM DUODECIMUM

## QUAESTIO I.

Quaesitum est de rebus quae sunt supra hominem, et de rebus humanis. Circa primum quaesitum est de Deo, de Angelis, et de caelo. Circa primum quaesitum est de Deo quantum ad summum esse, quantum ad suam potentiam, quantum ad ejus praedestinationem.

## ARTICULUS I.

*Utrum in Deo sit tantum unum esse. — (1 part., quaest. 3, art. 3; et 1, dist. 8, art. 1.)*

Circa primum quaesitum est, utrum in Deo sit tantum unum esse, scilicet esse, ut praeter illud sit etiam in Deo esse personale. Et videtur quod sic. Quia aliud est Patrem esse, aliud Filium esse, et aliud Spiritum sanctum esse. Sed esse essentiale non est aliud et aliud. Ergo etc.

2. Praeterea, proprium formae est quod det esse. Sed in divinis sunt tres proprietates personales, quae obtinent vicem formae. Ergo etc.

Contra Augustinus dicit: *In divinis tantum unum esse.*

Respondeo dicendum, quod veritas fidei habet quod in divinis solum est distinctio quae est secundum relationes oppositas; relatio autem, sicut et quaelibet forma, habet esse ex comparatione ad illud cui inest: unde esse filiationis est per comparationem ad subjectum cui inest. Relatio autem in divinis non distinguitur ab eo cui inest vel in quo est, quia est ipsa res quae referuntur; sed distinguitur solum ex parte ejus cui opponitur: et ex hac parte non consideratur esse relationis, sed distinctio et oppositio ejus; et ideo est in Deo unum tantum esse, scilicet essentiale.

Ad primum ergo dicendum, quod esse dupliciter dicitur: quandoque enim esse idem est quod actus entis; quandoque autem significat compositionem enuntiationis; et sic significat actum intellectus, quo modo intelligitur quando dicitur quod aliud est esse Patris et aliud Filii, non primo modo.

Ad secundum dicendum, quod sicut et quaelibet forma, paternitas facit esse, scilicet Patrem, qui est divinum esse, et facit tantum unum esse, in quantum paternitas facit esse.

## QUAESTIO II.

Deinde quaesitum est de potentia Dei.

## ARTICULUS II.

*Utrum Deus possit facere contradictoria esse simul vera, et infinita esse simul actu.*

Et primo, utrum Deus possit facere contradictoria simul esse; 2<sup>o</sup> utrum possit facere infinita in actu.

Ad primum ergo dicendum, quod non: et hoc non importat in Deo imperfectionem potentiae; sed quia hoc non habet rationem possibilis. Nam omnis virtus activa product effectum sibi similem. Omne autem quod agit, agit in quantum est ens actu. Ergo effectus agentis est ens actu. Quidquid ergo repugnat ei quod est esse actu, repugnat potentiae activae: quod esset, si contradictoria simul essent.

Ad secundum dicendum, quod esse aliquid infinitum actu posset suspicari ex primo aspectu quod esset impossibile: quia sequentur illud esse aequali Deo. Sed hoc non sequitur: quia ei quod est infinitum omnibus modis, non adaequatur illud quod est infinitum uno modo. Dato enim quod esset ignis infinitus secundum magnitudinem, non adaequabitur Deo: quia etsi sit infinitus ignis in quantitate, tamen est quid finitum specie: Deus autem omnibus modis est infinitus. Cum ergo quaeritur utrum sit possibile Deo facere aliquid infinitum in actu, dicendum quod non. Potentiae enim agentis per intellectum aliquid repugnat dupliciter: uno modo quia repugnat potentiae ejus; alio modo quia repugnat modo quo agit. Primo modo non repugnat potentiae Dei absolute, quia non implicat contradictionem. Sed si consideretur modus quo Deus agit, non est possibile. Deus enim agit per intellectum et per Verbum, quod est formativum omnium; unde oportet quod omnia quae agit, sint formati. Infinitum autem accipitur sicut materia sine forma; nam infinitum se tenet ex parte materiae. Si ergo Deus hoc ageret, sequeretur quod opus Dei esse aliquid informe; et hoc repugnat ei per quod agit, et modo agendi; quia per Verbum suum omnia agit, quo omnia formantur.

## QUAESTIO III.

Deinde quae situm est de praedestinatione, utrum sit certa.

## ARTICULUS III.

*Utrum praedestinatio sit certa. — (1 part., quae. 25, art. 3, ad 3, et art. 6, et art. 8, ad 3; et de Ver., quae. 6, art. 3.)*

Et videtur quod non. Quia possibile est praedestinatum damnari, sicut Petrum, si fuisset statim mortuus, quando peccavit Christum negando.

Si vero dicas quod praedicta locutio est de dicto vera, de re vero non; contra. Quia hoc habet locum in formis separabilibus; sed haec forma quae est praedestinatio, est inseparabilis.

Respondeo dicendum, quod praedestinatio est quedam pars divinae providentiae: providentia autem dicit directionem aliquorum in finem; et haec praesupponit scientiam et voluntatem. Sic ergo praedestinatio habet certitudinem ex parte scientiae Dei, qui non potest falli; et ex parte voluntatis divinae, cui non potest aliquid resistere; et ex parte providentiae, quae certissimo modo ducit ad finem, cum Deus sit sapientissimus.

Ad primum ergo dicendum, quod praedestinatio habet certitudinem, et tamen non est necessarium praedestinatum salvare, sed remanet contingens. Dicitur est enim quod habet certitudinem ex scientia, voluntate, et providentia; et nullum istorum contingentiam impedit. Scientia non, quia scientia Dei est futurorum prout sunt in praesenti, et secundum hoc sunt determinata. Voluntas non, quia voluntas Dei est principium totius entis, ergo non cadit sub ratione contingentiae vel necessitatis, sed haec effluit et ordinatur ex Dei voluntate; et sic ipsa Dei voluntas facit quedam contingentia, praeparando causas contingentes illis rebus quas vult esse contingentes; et similiter necessarias causas rebus et effectibus necessariis. Et sic voluntas Dei semper impletur; non tamen omnia necessario eveniunt, sed eo modo quo Deus vult ea esse, et vult quod sint contingenter. Providentia non, quia non tollit contingentiam.

Ad secundum dicendum, quod bona est distinctio. Sed ad objectum de formis dicendum, quod alter est de formis realibus, et alter de praedicatis quae important aliquid pertinens ad actum rationis: quia in primis, scilicet realibus, si in eis de-

beat habere locum talis distinctio, oportet inesse separationem in re et in consideratione; in secundis non requiritur, sed oportet quod res illa cadat sub alia consideratione. Et sic dico, quod iste praedestinatus potest considerari vel ut in se, vel ut divinae cognitioni relatus; et sic uno modo attribubitur ei quod possit damnari, alio modo non.

## QUAESTIO IV.

Deinde quae situm est de fato, utrum omnia subsint fato.

## ARTICULUS IV.

*Utrum omnia subsint fato.*

Respondeo dicendum, quod primo oportet scire quid sit fatus; et sic postea faciliter patet ad propositum. Videmus autem multa contingentia evenire; et ideo olim fuit dubium, utrum ista quae variabiliter et inordinatae contingunt, reducantur in aliquam causam ordinantem. Et qui dicunt non, dicunt fatum nihil esse, ut Tullius dicit. Quidam dicunt quod in aliquam causam superioriem ordinantur; et isti nominaverunt fatum a *foris*, quasi hic omnia sint praefata a quadam superiori causa.

Sed horum est triplex opinio. Quidam enim reducent hoc in quadam seriem causarum, quam dicunt fatum, sicut Stoici, qui dicunt quod nihil est quod non habeat causam, et posita causa necesse est ponere effectum. Si ergo evenit vel est talis vel talis effectus, habuit causam, et haec causa aliam causam, et sic deinceps: sicut aliquis est occisus de nocte, quia exiit domum; quare exiit domum, quia sitivit; quare hoc, quia salsa comedit; et sic quia comedit salsa, ex necessitate moritur. Aristoteles respondet negans duo prima. Primo, quod non quidquid fit, habet causam, sed tantum quod fit per se. Quod autem ego occidar, me exente, est per accidens. Secundo dicit, quod non, posita causa, ponetur effectus; quia potest impediiri; et ideo non sequitur, vel non stat series causarum.

Alii reducent haec in aliam causam, scilicet in corpora caelestia, ex quorum necessitate dicunt omnia accidere: unde dicunt quod fatum nihil aliud est quam vis positionis siderum. Haec autem opinio dupliciter est falsa. Primo quantum ad res humanas, quae proveniunt ab intellectu, qui cum sit virtus incorporeus, non subjacet actioni alicuius corporis; et ponere animam subjacere virtuti corporum caelestium, nihil aliud est

quam ponere intellectum non differre a sensu, ut dicit Philosophus in 1 de Anima in fine (text. com. 150); tamen per accidens et occasionaliter substitut anima caelo, in quantum intellectus afficitur per passionem corporis, non tamen ex necessitate movetur ab eo. Secundo, quia multa in rebus naturalibus contingunt quae non accidunt ex necessitate caeli, sed per accidens, et non habent causam.

Alii reducunt omnia haec in causam supra caelestem, scilicet in providentiam Dei, a qua omnia sunt praedeterminata et ordinata; et secundum istos fatum est quidam effectus providentiae: quia providentia nihil aliud est quam ratio ordinis rerum prout est in mente divina; fatum vero est explicatio illius ordinis prout est in rebus; unde Boetius: *Fatum est immobilitas dispositio rebus mobilibus inhaerens.*

Sic ergo accipiendo fatum, potest dici quod omnia subjicuntur fato; unde dicitur Osee II, 16, super illud: *Non vocaberis ultra Baalim, sed vir meus*, quod idem est utrumque: sed Deus noluit hoc, quia Baalum nomen erat eujusdam gentium; et ideo sunt vitanda nomina gentilium, cum quibus nec nomina convenit habere communia. Et ideo Augustinus dicit: *Si quis hoc modo intelligat fatum, sententiam teneat, linguam corrigit; ut non dicat fatum, sed providentiam Dei.*

### QAESTIO V.

Deinde quæsusit est de Angelis; et circa hoc quæsita sunt duo.

### ARTICULUS V.

*Utrum esse Angeli sit accidentis ejus.*

Primo utrum esse Angeli sit accidentis ejus. Et videtur quod non. Quia accidens intelligitur inesse aliqui praexistenti. Angelus autem non praexistit ipsis esse.

Contra, Hilarius dicit etc.

Respondeo dicendum, quod opinio Avicennæ fuit, quod unum et ens semper praedicant accidentem. Hoc autem non est verum; quia unum prout convertitur cum ente signat substantialiter rei, et similiter ipsum ens; sed unum prout est principium numeri, signat accidentem.

Sciendum ergo, quod unumquodque quod est in potentia et in actu, fit actu per hoc quod participat actum superiore. Per hoc autem aliquid maxime fit actu quod participat per similitudinem primum et purum actum. Primus autem actus

est esse subsistens per se: unde completionem unumquodque recipit per hoc quod participat esse; unde esse est complementum omnium formarum, quia per hoc completeret quod habet esse, et habet esse cum est actu; et sic nulla forma est nisi per esse.

Et sic dieo quod esse substantiale rei non est accidentes, sed actualitas cuiuslibet formarum existentis, sive sine materia sive cum materia. Et quia esse est complementum omnium; inde est quod proprius effectus Dei est esse, et nulla causa dat esse nisi in quantum participat operationem divinam; et sic proprius loquendo, non est accidentes. Et quod Hilarius dicit, dico quod accidens dicitur large omne quod non est pars essentiae; et sic est esse in rebus creatis, quia in solo Deo esse, est ejus essentia.

### ARTICULUS VI.

*Utrum diabolus cognoscat cogitationes hominum.*

Secundo quæsusit est, utrum diabolus cognoscat cogitationes hominum.

Respondeo dicendum, quod cognoscere cogitationes cordis potest contingere dupliciter, in se et per se, et in aliquo effectu. Primum solus Dei est; Hierem. XVII, 9: *Primum est cor hominis et inscrutabile*; unde nec Angeli sic eas cognoscunt: cuius ratio est triplex. Una propter debilitatem esse quod habet; eo quod supra gradum quo aliquid est ens in potentia, est gradus quo res sunt in anima. Alia ratio est, quia quod est in veritate causa aliquius, non potest cognosci nisi a causa quae nata est movere illam; voluntatem autem movet solus Deus. Cum ergo omnes cogitationes dependant a voluntate sicut a sua causa, solus Deus eas cognoscit. Alia ratio est, quia Angelii illa quae cognoscunt naturaliter, cognoscunt per species naturaliter inditas, et hanc sunt species rerum naturalium, non autem cognitionum: quia haec non reducuntur ad causam naturalem, vel non pertinent ad cognitionem naturalium. Tamen per effectus cognitionum cognoscunt cogitationes, sicut et homo facit, cum ipsis subtilius cognoscant effectus qui causantur ex cognitionibus. Nam secundum cogitationes homo afficitur aliqua passione, et per eas movetur cor; et hos motus subtilius ipsi cognoscunt quam nos; et sic aliquid cognoscunt de cognitionibus cordis; et hoc Augustinus dicit in lib. de Divinit. daemonum; licet alibi dicat, quod determinare in eis talen cognitionem sit presumptuosum.

## QUAESTIO VI.

Deinde quaesitum est de caelo; et circa hoc quaesitum fuit, utrum caelum vel mundus sit aeternus.

## ARTICULUS VII.

*Utrum caelum vel mundus sit aeternus.*

Respondeo dicendum, quod non; sed mundum incepisse est de numero eorum quae cadunt sub fide, non sub demonstratione. Nam quae dependet ex simplici voluntate Dei, possunt esse et non esse. Et ad hoc quod non sit, non inducit aliqua necessitas ex parte Dei: divina autem bonitas, quae est finis rerum, potest ita esse si non sit mundus sicut si sit mundus.

## ARTICULUS VIII.

*Utrum caelum sit animatum.*

Secundo quaesitum est, utrum caelum sit animatum.

Respondeo dicendum, quod de hoc diversimode sentiunt doctores Ecclesiae. Hieronymus enim dicit super Ecclesiastem, quod sol est animatus; Damascenus hoc negat: et haec differentia etiam est apud Philosophos. Plato enim et Aristoteles ponunt corpora supercelestia animata esse; Anaxagoras vero non; et ideo legitur fusse occisus. Ego autem dico, secundum Augustinum *super Genesim ad litteram*, quod non referat ad fidem, utrum sic vel alter sit; unde hoc non determinat in Enchiridion; addens, quod si ponamus corpora caelestia esse animata, non ideo erunt in iudicio tres ordines judicandorum, scilicet Angelorum et hominum et animalium, quia illae animas computabuntur cum Angelis. Et hoc sensisse videtur ille qui fecit praefationem, cum dicit: *Caeli caelorumque virtutes.* Et ratio patet.

## QUAESTIO IX.

Deinde quaesitum est de homine quantum ad naturam, et quantum ad gratiam et quantum ad culpam. Circa primum quaesita sunt tria. Primo quantum ad animam. Secundo de cognitione animae. Tertio de effectu cognitionis.

## ARTICULUS IX.

*Utrum anima perficiat corpus immediate, vel mediante corporeitate.*

Circa animam quaesita sunt duo. <sup>1<sup>o</sup></sup> utrum anima perficiat corpus immediate, vel mediante corporeitate.

Respondeo dicendum, quod in nullo corpore est nisi una forma substantialis: cuius est ratio triplex. Prima est quia si plures, sequens non erit forma substantialis, quae facit esse simpliciter; sed solum *accidentalis*, quae facit esse hoc. Item, si sit acquisita forma substantialis, non erit generatio simpliciter. Item quia non esset compositum ex anima et corpore unum simpliciter, sed duo simpliciter et unum per accidentem.

Sic igitur corporeitas dicitur dupliceiter: quandoque tres dimensiones; et hoc non est forma substantialis, sed accidentis: aliquando dicitur quaedam forma, ex qua provenit trina dimensio; et haec non est alia forma specifica.

## ARTICULUS X.

*Utrum anima traducatur. — (1 part., quaest. 118, lib. 12. art. 2, et ad 3.)*

Secundum utrum anima sit ex traduce.

Respondeo dicendum, quod Augustinus hanc questionem non determinat; sed indeterminatam relinquit in lib. eccles, Dogmat: sed ille liber non est Augustini, sed Gennadii. Gregorius etiam non vult determinare; credendum est tamen quod non. Et est una ratio Philosophi in lib. de Animalibus, quod impossibile est quod virtus corporeas producat id quod excedit corpus: virtus autem seminis est virtus corporea. Alia ratio est viii Metaph. (text. com. 27), quia enim quidam posuerunt quod formae naturales sunt ex creatione: cum materia aeris recipit formam ignis; aut inerat, et sic est latitudo; aut non inerat, ergo fit de novo. Non ex aliquo sed ex nihilo; ergo creatur. Solvit Philosophus, quia forma non fit sicut nec ens, vel esse habens per se; sed fit compositum, quod habet esse subsistens. Si ergo est aliqua forma quae per se subsistat, illa habet per se fieri. Anima autem habet esse per se subsistens, et remanet corrupto corpore; et ita oportet quod habeat suum fieri.

## QUAESTIO VIII.

Deinde quaesitum est de cognitione hominis; utrum intellectus humanus cognoscat singularia.

## ARTICULUS XI.

*Utrum intellectus humanus cognoscat singularia. — (1 part., quaeſt. 86, art. 1, corp. et 3; 4, corp., et quaeſt. 89, corp. ad 1; et 2-2, quaeſt. 47, art. 3, ad 1; et de Ver. quaeſt. 19, art. 2; et art. 143 hujus.)*

Respondeo dicendum, quod aliquid cognoscitur dupliciter: directe et indirecte, scilicet per reflexionem. Differt autem inter intellectum humanum et divinum; quia humanus non cognoscit directe singularia, divinus autem sic: quia cognitio fit per similitudinem cogniti in cognoscente; et haec est in intellectu nostro per abstractionem a conditionibus inviduantibus et a materia; et ideo, cum recta cognitio sit per speciem, ideo non cognoscit directe nisi universale. Intellectus autem divinus cognoscit non per similitudinem a re acceptam, sed per extensionem suae essentiae ad res; et haec similitudo, scilicet divina essentia in Deo est omnium quae sunt in re, expressa similitudo: et ideo directe cognoscit quidquid est in re, et quod pertinet ad materiam individualē. Sed querens Philosophus si separatus est intellectus, et cognoscit quae sunt in materia; dicit, quod oportet quod hoc cognoscatur aut alio sicut formas separatas cognoscit intellectus, et conjunctas materias per imaginationem; aut alio modo, scilicet per extensionem, in quantum conjungiturphantasiae, quae repraesentant sibi phantasma: et sic indirecte cognoscit.

## QUAESTIO IX.

Deinde quaesitum est de effectu cognitionis; et primo utrum habitus scientiae acquisitae remaneant post hanc vitam.

## ARTICULUS XII.

*Utrum habitus scientiae acquisitae remaneant post vitam. — (Art. 57; et 1 part., quaeſt. 89, art. 1, ad 3, et art. 3, ad 4 et art. 5 et 6, corp.; et 1-2 quaeſt. 67, art. 2)*

Respondeo dicendum, quod circa hoc est duplex opinio. Quidam dicunt quod non, sequentes Avicennam in vi Natural.

quod species acquisitae non remanent in intellectu possibili nisi quādū actu intelligit; quod est falsum. Nam intellectus possibilis recipit species et retinet secundum modum suum; unde, cum ipse sit immobils, utpote immaterialis et incorruptibilis, recipit species intelligibiliter secundum modum suum, et numquam inde recedunt; et quod sint ibi etiam dum actu non intelligit, patet 3 de Anima (text. com. 8), ubi dicitur, quod sunt in anima altera quam dum actu intelligit, scilicet habitu. Et sic dico, quod remanent sive in damnatis sive in beatis. Tamen destruantur ibi habitus scientiarum quantum ad modum scientiae; quia hic semper intelligit convertendo se ad phantasmata propter corpus; et non solum propter hoc phantasmaticum indigemus, sed ad utendum hujusmodi speciebus; et iste modus non erit tunc, quia non convertet se ad phantasmata.

## ARTICULUS XIII.

*Utrum verba humana habeant vim ad movendum bruta. (4, dist. 34, quaeſt. 1 art. 1, princ.)*

Secundo, utrum verba humana habeant vim ad movendum bruta, puta serpentes.

Respondeo dicendum, quod aliquid potest habere virtutem aliquam et secundum propriam naturam et secundum virtutem superioris causae; verbi gratia, communium ex elementis habet virtutem suam ex natura elementorum, secundum motum praeordinantis elementi; aliam habet ex corpore caelesti, sicut quod adamus attrahit ferrum; quod non reducitur ad virtutem elementorum.

Aliqui ergo dicunt quod non solum naturalia corpora sed artificialia sortiuntur virtutes alias ex impressione corporum caelestium, puta imagines vel figuræ sub certa constellatio factæ; et sic hoc verum est, scilicet quod super artificialia sit hujusmodi virtus impressa. Potest etiam dici quod verba prolatæ in certo tempore habeant efficaciam movendi; sed hoc non est verum. Nam in rebus naturalibus omnia quae habent aliquam virtutem ex corpore caelesti, habent illam consequentem aliquam formam; unde nihil agit ad speciem nisi ex virtute corporis caelestis; et sic forma est prius in unoquoque quam virtus ad talia. Remota ergo priori removetur posterior. Si ergo hujusmodi virtutes attribuuntur aliquibus, oportet quod radicentur super formam aliquam. Formao autem artificiales non sunt nisi figuræ quaedam: et ideo falsum est quod verba et hujusmodi, virtutem aliquam habeant ex corpore caelesti;

sed si habent aliquam, hoc habent ex spiritu immundo, qui immisceret se verbis hominum, ut decipiatur, secundum Augustinum; unde aliquando utuntur verbis fabulosis, falsis et vanis quibus ad illudendum homines se immiscent. Unde omnia ista frivola et superstitiosa sunt, et imagines astronomicae, in quibus etsi non adsit aliqua expressa invocatio demonum, tamen est ibi quidam tacitus consensus. Tamen si aliquis dicat verba Dei et sacra sine immutatione et fraude, sed bona et divina intentione; non est incantatio, sed oratio. Chrysostomus tamen super Matth. ibi: *Diletant phylacteria etc.*, reprehendit illos qui collo verba Evangelii suspendunt, cum virtus Evangelii non sit in figuris literarum, sed in fide. Non tamen damno illos qui super se gerunt Evangelium ex devotione, quia B. Caecilia Evangelium Christi semper gerebat in pectore sine tamen aliqua additione vel verborum vel characterum vel ceterorum suspectorum.

## QUAESTIO X.

Deinde quae situm est de homine, quantum ad gratiam; et circa hoc quaeruntur tria: primo de sacramentis; secundo de virtutibus; tertio de officiis. De primo tria quae sita sunt: primo de sacramentis gratiae; secundo de effectu sacramentorum; tertio de unitate Ecclesiae. De sacramentis gratiae querebantur duo; 1<sup>o</sup> de baptismo; 2<sup>o</sup> de poenitentia.

## ARTICULUS XIV.

*Utrum aqua habeat virtutem ad emundationem.* — (3 part. quaest. 66, art. 2 et 3; et 4, dist. 3, art. 3, quaest. 1.)

Ad primum queritur, utrum aqua habeat virtutem ad emundationem; id est utrum propria virtute mundet, vel virtute concomitante.

Respondeo dicendum, quod duplex est opinio in hujusmodi, non solum de aqua, sed de omnibus Ecclesiae sacramentis.

Quidam enim dicunt, quod sacramenta non habent virtutem vel vim operandi in anima, sed tantum extra, et divina virtus concomitans facit illum effectum: et inducent exemplum Bernardi. Sit aliquis Episcopus qui investiat aliquem de praebenda per annum: annulus non est causa praebenda, sed signum. Sed hoc non est sane dictum: quia sic non esset aliqua prerogativa sacramentorum novae legis ad vetera: quia etiam in

illis virtus coassistens fidei credentium in Christum venturum justificabat.

Et ideo dicendum, quod sacramenta habent in se virtutem justificandi, et alios effectus ad quos ordinantur et non solum quod sint signum; unde Augustinus: *Quae est tanta vis aquae, ut corpus tangat et cor abiuat?*

Sciendum tamen, quod duplex est virtus; scilicet et propria et instrumentalis, sicut patet in sera. Sic sacramenta habent virtutem instrumentalem ad spiritualem effectum: quia cum sacramentum adhibetur cum invocatione divina, efficit hunc effectum. Et hoc est conveniens: quia Verbum, per quod omnia sacramenta virtutem habent, habuit carnem, et fuit Verbum Dei; et sicut earo Christi habuit virtutem instrumentalis ad faciendum miracula proper conjugationem ad Verbum, ita sacramenta per conjunctionem ad Christum crucifixum et passum.

*Interrogatorum et responditorum leges omnes.*

## QUAESTIO XI.

Deinde quae situm est de poenitentia: et primo utrum non habens curam animarum possit absolvere in foro confessionis.

## ARTICULUS XV.

*Utrum non habens curam animarum possit absolvire in foro confessionis.* — (4, dist. 13, quaest. 1, art. 1 quaest. 3, et 4.)

Respondeo dicendum, quod aliter est in sacramento poenitentiae, et aliter in quibusdam aliis sacramentis. Nam in quibusdam qui habet ordinem, potest ex hoc ipso inducere effectum sacramenti in omni casu; scilicet in illis in quibus quod est effectus sacramentorum, est res existens extra sacramentum. Unde sacerdos degradatus et excommunicatus licet peccet, tamen consecrat et baptizat; et similiter Episcopus consecratus, quia consecrat characterem. In poenitentia autem non imprimatur character, nec effectus, nisi justificatio poenitentis; quod non potest fieri nisi per potestatem iudicativam. Non habens autem curam animarum, non habet hanc potestatem.

## ARTICULUS XVI.

*Utrum liceat in aliquo casu revelare confessionem.*

Secundo utrum liceat in aliquo casu revelare confessionem.

Respondeo dicendum, quod non, nec verbo nec facto nec nutu, nec aliquo signo licet facere, quia est sacrilegium. Nam

ita est in sacramentis novae legis quod efficiunt quod figurant. Effectus autem poenitentiae est occultatio peccatorum ab oculis Dei viventis; et haec occultatio significatur per secretum confessionis. Et ideo, sicut profanaret sacramentum qui conficeret corpus et sanguinem Christi de alio quam de pane et vino, ita esset revelans sacrilegus.

## ARTICULUS XVII.

*Utrum licet appetere Episcopatum.*

Tertio, utrum licet appetere Episcopatum.

Respondeo dicendum, quod contingit appetere paelationem duplíciter: aut propter necessitatem urgenteum, aut non urgenteum. Primo modo duplíciter: vel quando imponitur a superiori, vel quando non inventur aliquis qui velit onus paelationis subire; tali necessitate existente meritiorum est appetere. Unde Isa. vi, 8: *Quem mittam, et quis ibit nobis?* respondit: *Ecce ego, mitti me;* tamen ante dixi se indignum. Secundo modo, scilicet quando non urget necessitas, si non licet: quia non potest carere aut vitio iniustitiae, si velit se minorem praefferri majoribus; aut vitio presumptionis, si reputat se sufficientem praefferri aliis; unde Chrysostomus super illud *Reges gentium* etc.: *Primatus ecclesiasticos concupiscere nec justum nec utile.*

## QUAESTIO XII.

Deinde quaesumus de effectu sacramentorum; utrum compaternitas causeatur ex praembulis ad sacramenta, puta ex catechismo et hujusmodi.

## ARTICULUS XVIII.

*Utrum compaternitas causeatur ex praembulis ad sacramenta.*

Et videtur quod sic. Dicit enim quaedam Decretalis, quod *a primo pabulo salis non potest fieri uxor.* Ergo contrahitur ibi compaternitas.

2. Praeterea, catechumenus censetur Christianus. Sed qui dat Christianismum, efficitur compater. Ergo etc.

Respondeo, quidam dicunt, quod omnia illa sacramentalia sufficiunt ad causandum compaternitatem. Quidam dicunt, quod solum contrahitur quantum ad tria; scilicet in catechismo

baptismo, et confirmatione. Sed mihi videtur quod solum contrahitur in duobus, scilicet in baptismo et confirmatione. Quia compaternitas similitudo quedam est paternitatis; paternitas autem non fit nisi in generatione; et ideo solum in illis sacramentis in quibus est quedam generatio spiritualis, contrahitur compaternitas, quae matrimonium impedit.

Ad primum ergo dicendum, quod illa non sunt intelligenda singillatim, sed accipienda collective et simul, quia in omnibus illis aliquis efficitur compater.

Ad secundum dicendum, quod catechumenus dicitur Christianus per fidem, non per baptismum, quem nondum suscepit; et ille qui dat Christianismum, dat sacramentum baptismi.

## QUAESTIO XIII.

Deinde quaesumus fuit, utrum sit una Ecclesia quae fuit in principio tempore Apostolorum, et quae est modo.

## ARTICULUS XIX.

*Utrum una sit Ecclesia quae fuit in principio Apostolorum et quae modo est.*

Et videtur quod non. Quia nunc non uititur eisdem regulis. Tunc enim praefati erant sine auro et argento in zonis suis. Ergo etc.

2. Praeterea, non legitur quod Christus et Apostoli habuerint castra; modo autem Ecclesia habet. Ergo etc.

Contra, Matth. xxviii, 20: *Ecce ego vobiscum sum usque ad consummationem saeculi.* Hoc autem non intelligunt tantum de Apostolis, quia omnes mortui sunt, et adhuc saeculum non est consummatum. Ergo etc.

Respondeo dicendum, quod eadem est numero Ecclesia, quae time erat quae nunc est: quia eadem fidei sacramenta, eadem auctoritas, eadem professio; unde dicit Apostolus, I Corinth. i, 13: *Divisus est Christus? Absit.*

Ad primum ergo dicendum, quod verba Matthaei tripliciter exponuntur. Hilarius et Ambrosius exponunt secundum sensum mysticum, dicentes: *Nolite portare aurum etc.*, id est nihil in spiritualibus ministeriis auro vendatis; *non duas tunicas*, id est non duplice animam habeatis. Alii exponunt ad litteram; et una expositor est Augustini, qui dicit, quod illa verba non dicuntur per modum praecepti, sed permissionis; ita quod qui non servat non peccat, et qui servat melius facit; ut sit sensus:

*Nolite portare;* id est, quando itis ad praedicandum, nolite solicii esse de expensis, quia debentur vobis a populo: *Dignus est enim operarius,* etc.: quasi diceret: ideo permitto quod non portetis, quia digni estis accipere ab aliis, quibus praedicatis. Paulus hoc non servavit, et tamen contra regulam hanc non fecit sed supererogavit. Alia expositio est aliorum Sanctorum, qui dicunt quod haec dicta sunt praeceptiva; sed hoc praeceptum datum est non ad semper servandum, sed ad primam missionem: bis enim eos misit; scilicet ante passionem Iudeis, et post resurrectionem Gentibus. In prima dixit eis: *In viam gentium ne abivertis;* in secunda dixit: *Doce et omnes gentes.* In prima mandavit quod praedicta servarent, non autem in secunda. Et ratio hujus est, quia in prima solum mittebantur ad Iudeos, apud quos consuetum erat quod magistri eorum ab eis sustentarentur; et ideo simus scandalum poterant accipere, et uti potestate sibi concessa: apud vero gentiles non erat hujusmodi consuetudo; quia apud eos non erant hujusmodi praedicatores; et ideo fuissest eis scandalum, et visum fuissest eis quod pro quaestu Apostoli praedicaret: et ideo Paulus hoc praeceptum non servavit ut gentibus; et ideo Dominus in secunda missione dixit: *Nunc qui habet saccum, tollat similiter et peram.*

Ad secundum dicendum, quod Augustinus respondet in epistola contra Donatistas, et habetur super illud Psalm. II: *Quare fremuerunt gentes.* Distinguunt enim diversa tempora Ecclesiae. Fuit enim tempus quando astiterunt reges adversus Christum: et in illo tempore non solum non dabant fidelibus, sed eos occidebant. Aliud vero tempus et nunc, quo reges intelligent, et eruditii serviunt Domino Iesu Christo in timore etc., et ideo in isto tempore reges sunt vassalli Ecclesiae. Et ideo est alius status nunc et tunc, non tamen est alia Ecclesia.

#### QUAESTIO XIV.

Deinde quaesitum est de virtutibus: primo de quadam virtute intellectuali, scilicet de veritate; secundo de virtutibus moralibus. De veritate quaesita sunt duo: 1<sup>o</sup> de fortitudine veritatis; 2<sup>o</sup> de confirmatione veritatis, quae est per juramentum.

#### ARTICULUS XX.

*Utrum veritas sit fortior inter vinum et regem et mulierem.*

Ad primum quaesitum est, utrum veritas sit fortior inter vinum, regem et mulierem. Et videtur quod vinum, quia immutat maxime hominem. Item quod rex, quia pelit hominem

ad id quod est difficillimum; scilicet ad hoc quod se exponat periculo mortis. Item quod mulier, quia dominatur etiam regibus.

Contra, Esdrae III, IV, 35: *Fortior est veritas.*

Respondeo dicendum, quod haec est questio proposita juvenibus dissolvenda in Esdra. Scendum ergo, quod si consideremus ista quatuor secundum se, scilicet vinum, regem, et mulierem, et veritatem, non sunt comparabilia, quia non sunt unius generis: tamen si consideremur per comparationem ad aliquem effectum, concurrunt in unum, et sic possunt comparari. Hic autem effectus in quem convenient et possunt, est immutatio cordis humani. Quod ergo inter ista magis immutet cor hominis, videndum est.

Scendum est ergo, quod immutativum homini quoddam est corporale; et aliud est animale; et hoc est duplex, sensible, et intelligibile. Intelligibile etiam est duplex, scilicet practicum, et speculativum. Inter ea autem quae pertinent ad immutantiam naturaliter secundum dispositionem corporis habet excellentiam vinum, quod facit per temulentiam loqui. Inter ea quae pertinent ad immutandum appetitum sensitivum, excellentior est delectatio, et praecepit circa venerea, et sic mulier est fortior. Item in practicis, et rebus humanis, quae possunt hoc facere, maximam potestatem habet rex. In speculativis summmum et potentissimum est veritas. Nunc autem vires corporales subjiciuntur viribus animalibus, animales intellectibus, et intellectuales practicas speculativas; et ideo simpliciter veritas dignior est et excellentior et fortior.

#### ARTICULUS XXI.

*Utrum accipiens doctrinam alicuius experimenti sub juramento non communicandi teneatur servare juramentum.*

Secundo queritur, utrum accipiens doctrinam alicuius experimenti sub juramento non communicandi, teneatur servare juramentum; et videtur quod sic. Quia sic obligatus non debet facere aliquid quod vergat in detrimentum illius qui dedit vel qui docuit. Hoc autem esset, si alius communicaret. Ergo etc.

2. Praeterea, communicare tale experimentum, non tenetur ex parte salutis aeternae alicui. Cum ergo, non teneatur alteri communicare, non debet sic obligatus communicare.

Contra, non communicare salubre remedium, sive quodcumque bonum, est contra caritatem. Ergo etc.

Respondeo, aliter dicendum est hic simpliciter et aliter in casu. Simpliciter loquendo non tenetur, sed male fecit jurando.

Juramentum enim non solum amittit vim quando juramentum est illicitum, sed etiam quando jurando pejerat; quia juramentum obligans debet habere judicium, justitiam et veritatem. Sed et si juro quandoque aliquid quod licet mihi non facere, puta, non ire ad Ecclesiam, non licet tamen jurare; quia licet sit mihi licitum pro aliquo tempore facere vel dimittere hujusmodi bonum, quod est Ecclesiam ire, non tamen licet mihi juramentum interponere et animum obfirmare ad aliquod bonum non faciendum, quia hoc est facere contra Spiritum sanctum. Et ideo juramentum contra omne id quod est de genere bonorum, est illicitum et non servandum. Tamen in casu servare tenetur, puta, si ille vel alias sufficiens medieus praesens esset, et paratus esset curare, et uti illo experimento in salutem corporalem aliorum.

Et sic patet solutio ad objecta.

#### QUAESTIO XV.

Deinde quae situm est de virtutibus moralibus: 1<sup>o</sup> de virtutibus secundum se; 2<sup>o</sup> specialiter de quadam actu justitiae, scilicet de restitutione.

#### ARTICULUS XXII.

*Utrum virtutes morales sint connexae. — (1 part., quæst. 73, art. 1; et 1-2, quæst. 85 art. 10, ad 2, et 2-2, quæst. 146, art. 4; et de Malo quæst. 4, art. 5 ad 4.)*

Ad primum quae situm est, utrum virtutes morales sint connexae; et videtur quod non. Quia acquiruntur ex actibus, qui sunt divisi et distincti. Ergo potest acquiri una virtus sine alia.

2. Praeterea, Augustinus dicit: *Nihil contra dicinam essentiam dicit, qui dicit quod qui habet unum non habet omnes.*

3. Praeterea, virtutes habentur ex consuetudine, quae requirit tempus.

Respondeo dicendum secundum omnes. Sanctos, quod sic; sed loquendo de virtutibus in communi duplex ratio assignatur a diversis, secundum quod diversimodo locuti sunt de virtutibus. Virtutes enim cardinales duplicitate accipiuntur ab aliis quibus.

Quidam enim dicunt virtutes esse quosdam modos generales qui requiruntur in omni virtute; puta, quod fortitudo est quamcumque firmitas animi in quibuscumque rebus; temperantia est

moderantia animi in omnibus rebus; et sic de aliis. Et secundum istos necesse est quod virtutes sint connexae; quia isti modi generales requiruntur in omni virtute: et si aliquid horum defuerit, non est virtus aliqua; quia si temperantia rectitudinem non habeat, quae est justitia, vel non habeat animi firmitatem, quae est fortitudo, et sic de aliis, non est virtus. Et hunc modum Augustinus ponit in de Trinit. et Magist. in iii Sent.

Alii autem accipiunt distinctionem harum virtutum secundum determinatas materias, sic Aristoteles et Peripateticus. Unde prudentia, secundum Philosophum, non est recta ratio in omnibus, sed solum in agilibus: similiter justitia non dicit rectitudinem animi circa inquisitionem omnium causarum, sed tantum circa communationes et distributiones, et actiones humanas quae sunt ad alterum; fortitudo etiam dicit firmitatem animi non circa omnia, sed circa ea in quibus est difficultatum animum fortem habere, scilicet circa pericula quae sunt in belis; temperantia vero est circa ea in quibus difficultatum est animum moderare; scilicet circa delectationes gustus et tactus, quae sunt maxime delectationes; non in quibuscumque aliis concupiscentiis, sicut scientiae vel pecuniae. Et sic etiam loquendo de virtutibus, virtutes morales sunt connexae; cuius connexionis ratio accipitur secundum Philosophum ex parte prudentiae; quia nulla virtus potest haberi sine prudentia, et impossibile est habere prudentiam sine virtutibus moralibus: cuius ratio est, quia prudentia nihil aliud est quam recta ratio agibilium. Impossible est autem rectam rationem habere circa aliquid nisi ex recta ratione circa principia; principia autem agibilium sunt fines virtutum; et circa fines virtutum nullus bene se habet nisi per habitum illius virtutis; et sic necesse est quod prudentia habeat secum alias virtutes morales; similiter aliae non possunt haberi sine prudentia. Potest enim aliquis habere inclinationem naturalem ad actu alieujus virtutis sine prudentia; et quando habet maiorem inclinationem sine habitu virtutis, tanto peius est, et plus impingere potest sine prudentia: sicut patet de illo qui habet fortitudinem naturalem sine discretione et prudentia. Et ideo dicit Gregorius: *Cacterae virtutes, nisi ea quae agunt, prudenter agant*, etc. Est et alia ratio connexionis in virtutibus gratuitis propter caritatem in qua connectuntur: quia qui habet caritatem, habet omnes virtutes gratuitas; et similiter qui habet unam, habet caritatem.

Ad primum ergo dicendum quod actus non sunt divisi secundum virtutes; quia non potest esse actus temperantiae sine actu fortitudinis, nec fortitudinis nisi cum actu temperantiae etc.

Ad secundum dicendum, quod hoc dicitur quia non probatur per auctoritatem Bibliæ.

Ad tertium dicendum, quod non dicuntur morales a consue-

tudine, sed amore; et dato quod indigent tempore, tamen non habebit virtutem nisi sit prudens.

### QUAESTIO XVI.

Deinde quaesitum est de restitutione, quae est actus justiae; et circa hoc quaesita sunt tria: 1<sup>o</sup> de illis qui propter partes sunt extra civitatem; 2<sup>o</sup> de eo qui mala fide longo tempore praescripsit; 3<sup>o</sup> de eo qui aliena consumpsit.

### ARTICULUS XXIII.

*Utrum expulsi propter partes, possint expetere bona sua ab illis qui sunt in civitate manentes.*

Circa primum queritur; utrum expulsi propter partes, possint expetere bona sua ab illis qui sunt in civitate manentes; et videtur quod non. Quia multi de his qui sunt in civitate, culpam non habuerunt ad eorum expulsionem; et sic punirent aliqui pro culpa alterius.

2. Praeterea, expulsi fuerunt contra partem Ecclesiae; et sic justum bellum. Ergo actio est contra eos; et sic damna eius non sunt restituenda.

3. Praeterea, secundum Philosophum, cum mutatur ordo ciuitatis, non remanet eadem civitas. Sed cum mutatur dominium et principatus, mutatur ordo, et sic non est eadem civitas. Ergo expulsi non pertinent modo ad civitatem quae prius erat. Ergo non tenentur eis ad restitutionem.

Contra, qui spoliatur a raptore, potest repetere, et accipere ea quae sunt sibi sublata. Ergo et illi expulsi.

Respondeo dicendum, quod aut sunt expulsi juste, scilicet propter eorum culpam, et sic non possunt repetere amissa: aut injuste, id est sine culpa et sine debito ordini justitiae; et sic possunt repetere. Si autem habent superiori, debent per superiorem petere sibi restitu; si autem non habent superiori, ipsimet possunt, si possunt, recuperare.

Ad primum ergo dicendum, quod non punitur sic aliquis pro peccato alterius, sed pro suo; quia maiores omnia faciunt auctoritate et favore populi; et sic populus in favendo majoribus fuit in culpa. Praeterea illud intelligitur de poena spirituali qua nullus punitur sine propria culpa; non de corporali, qua frequenter unus pro alio punitur.

Ad secundum dicendum, quod in quantum juste agunt, sunt pro Ecclesia; in quantum injuste, contra Ecclesiam.

Ad tertium dicendum, quod si sunt eadem personae, manifestum est quod tenentur sibi: aliae omnino non tenentur.

### ARTICULUS XXIV.

*Utrum ille qui mala fide praescripsit teneatur ad restitutionem. — (4, dist. 41, art. 5, quaest. 1, ad 2.)*

Secundo quaerebatur, utrum qui mala fide praescripsit, teneatur ad restitutionem; et videtur quod non. Quia lex dicit, quod qui etiam mala fide praescribit, acquirit dominium.

Contra, Decret. dicit, quod tenetur, neo acquirit dominium.

Respondeo dicendum, quod circa hoc est contrarietas juris civilis et canonici: quia secundum jus civile praescriptio tenet, secundum jus canonicum talis praescribere non potest. Et ratio hujus contrarietatis est: quia aliis est finis quem intendit civilis legislator, scilicet pacem servare et stare inter cives, quae impeditur, si praescriptio non curreret: quicunque enim vellet, posset venire. Istud fuit menum quocumque tempore. Finis autem juris canonici tendit in quietem Ecclesiae, et salutem animarum. Nullus autem in peccato salvari potest nec poenitere de domino, vel de alieno, nisi recompenset.

Et ideo dicendum est, quod si quis praescribat bona fide possidendo, non tenetur ad restitutionem, etiam si sciat alienum fuisse post praescriptionem: quia lex potest aliquem pro peccato et negligentiā puniri in re sua, et illam alteri dare et concedere. Sed qui mala fide praescribit, tenetur emendare et satisfacere reddendo damnum quod intulit.

Ad primum ergo dicendum, quod verum est quod omnia sunt principia ad gubernandum, non ad retinendum sibi vel ad dandum alii; et si quae leges tales sunt, tyrannicae sunt: et non absolvunt a conscientia, sed a foro judiciali et violentia.

### ARTICULUS XXV.

*Utrum ille qui rem alienam consumpsit teneatur ad restitutionem. — (2-2, quest. 62, art. 2, et quaest. 79, art. 3, ad 2.)*

Tertio quaerebatur, utrum ille qui rem alienam consumpsit, teneatur ad restitutionem; et videtur quod non. Quia ille cuius res fuerat, non habet actionem in consumptorem; intellige, si jus habet casum in praescriptione.

Contra, iste mala fide possedit alienum quod consumpsit.

Respondet dicendum, quod tenetur: cuius ratio est, quia quilibet tenetur ad faciendum justitiam alteri. Consistit autem justitia in quadam aequalitate; unde nisi reintegretur aequalitas, non potest alius esse justus. Inaequalitas autem fuit quod consumpsit non rem suam; et ideo oportet quod reddat.

Ad primum ergo dicendum, quod licet non habeat actionem in eum qui consumpsit secundum jus civile, habet tamen secundum jus divinum, cuius finis est salus animarum; et ideo repugnat.

## QUAESTIO XVII.

Deinde quaesita sunt de officiis quatuor: 1<sup>o</sup> de officio expositorum sacrae Scripturae; 2<sup>o</sup> de officio praedicatorum; 3<sup>o</sup> de officio confessorum; 4<sup>o</sup> de officio vicariorum.

## ARTICULUS XXVI.

*Utrum omnia quae doctores sancti dixerunt, sint a Spiritu sancto.*

Ad primum quaesitum est, utrum omnia quae doctores sancti dixerint, sint a Spiritu Sancto; et videtur quod non. Quia in suis dictis sunt aliqua falsa, nam in sua expositionibus quandoque dissonant. Non potest autem esse verum quod dissimile vel dissonum est: quia utraque pars contradictionis non potest esse vera.

Contra, ad eundem pertinet facere aliquid propter finem et producere ad illum finem. Sed finis Scripturae, quae est a Spiritu sancto, est eruditio hominum: haec autem eruditio hominum ex Scripturis non potest esse nisi per expositiones Sanctorum. Ergo expositiones Sanctorum sunt a Spiritu sancto.

Respondeo dicendum, quod ab eodem Spiritu Scripturae sunt expositae et editae; unde dicitur 1 ad Cor. xi, 14: *Animalis homo non percipit ea quae Dei sunt; spiritualis autem iudicat omnia, et praecipue quantum ad ea quae sunt fidei, quia fides est donum Dei;* et ideo interpretatio sermonum numeratur inter alia dona Spiritus sancti, I ad Cor. xi.

Ad primum ergo dicendum, quod gratiae gratis datae non sunt habitus, sed sunt quidam motus a Spiritu sancto: alias si essent habitus, Prophetæ quando vellet, per donum prophetiae revelationem haberet, quod falso est. Et ideo de aliquibus occultis revealandis aliquando tangitur mens a Spiritu sancto, et aliquando non, sed aliqua eis occultantur; unde dixit Elisaeus,

IV Reg. iv, 27: *Et Dominus celavit a me.* Aliquando etiam aliqua dicunt a se ipsis; sicut patet de Nathan, qui consuluit David quod aedicaret templum; postea autem a Domino reprehensus et quasi retractus prohibuit hoc ipsi David ex parte Dei. Hoe tamen tenendum est, quod quidquid in sacra Scriptura continetur, verum est; alias qui contra hoc sentiret, eset haereticus. Expositores autem in aliis quae non sunt fidei, multa ex suo sensu dixerunt, et ideo in his poterant errare; tamen dicta expositorum necessitatibus non inducent quod necesse sit eis credere, sed solum Scriptura canonica, quae in veteri et in novo testamento est.

## QUAESTIO XVIII.

Deinde quaesitum est de praedicatoribus: et circa hoc quaesita sunt duo.

## ARTICULUS XXVII.

*Utrum aliquis possit praedicare propria auctoritate.*

Primo utrum aliquis possit praedicare propria auctoritate, ita ut licet praedicare sine licentia praefati: et videtur quod sic. Quia praedicare est bonum alii facere. Sed debemus bonum operari ad omnes, ad Galat. vi. Ergo etc.

2. Praeterea, dicitur Eccl. xvii, 12: *Unicuique mandavit Deus de proximo suo.* Ergo etc.

Contra, ad Rom. x, 15: *Quomodo praedicabunt, nisi mittantur?* Ergo etc.

Respondeo dicendum, quod nullus, quantumcumque scientiae magnae, vel quantumcumque sanctitatis, nisi missus a Deo vel a praefato, praedicare potest: quia nullum agens natum est agere nisi supra debitum materiam; praedicatio autem et exhortatio et doctrina, si sit publica respiciens totam Ecclesiam, et cura publica Ecclesiae, commissa est praefatis; et ideo nullus debet aliquid exercere quod requirat auctoritatem publicam, nisi praefati.

Ad primum ergo dicendum, quod cuilibet licet facere bonum sibi proportionatum, non autem quodcumque bonum.

Ad secundum dicendum, quod mandavit Deus monere proximum privata monitione et familiari.

## ARTICULUS XXVIII.

*Utrum aliquis prohibitus a principe saeculari debet dimittere praedicationem.*

Secundo, utrum aliquis prohibitus a principe saeculari debet dimittere praedicationem; et videtur quod non: *Nolite timere eos qui occidunt corpus; dicitur praedicatoribus* (Matth. x., 20). Ergo timore principum non debent dimittere.

2. Praeterea, Act. v, 29: *Deo oportet magis obediere quam hominibus.* Sed Deus praecepit praeceps praelatis quod prae dicent; et ad Timoth. iv, 2: *Praedica verbum.* Ergo etc.

3. Praeterea, nullus debet obediere alieni in eo in quo peccat praeceps. Sed princeps peccat prohibendo hoc. Ergo etc. Contra, Act. xiii, 46: *Quia repulisti verbum Dei.* etc.

Praeterea, Matth. x, 23: *Si vos persecuti fuerint in una civitate, fugite in aliam.*

Respondeo dicendum, quod hic est opus dupli distinctione: quia quando aliquis prohibetur praedicare, vel prohibetur solum a tyranno, aut simul a tyranno et populo. Si primo modo, sic, cum de multitudine sini aliqui qui audiunt volunt, non est dimittenda praedicatione, quamvis sit sic moderanda quoad tempora et loca, ut ex timore ad tyrannum non impediatur; et quandoque etiam tunc licet praedicare occulte per domos, sicut ab Apostolis legitur factum. Si secundo modo, tunc debet cedere praedicator et fugere ad alia loca secundum mandatum Domini. Et hoc etiam Gregorius dicit in dialogo quod quando omnes sunt mali et indurati, debet eis dicere illud Apostoli, Act. xiii, 45: *Quia repulisti a vobis verbum Dei,* etc. Alia distinctio est hinc habenda: quia praedicator aut habet curam animarum, aut non: id est aut praedicat ex necessitate officii, aut propria sponte. Si primo modo, sic non debet dimittere gregem etiam propter periculum mortis, dummodo possit aliquod bonum facere remanendo cum grege. Si secundo modo, sic etiam si posset ibi inter tales fructificare, non tenetur ibi stare, nec ad ponendum animam suam nisi in casu, puta si aliquis vellet corrumperet fidem; et tunc ubi fides periclitaretur, temeretur animam pro fratribus ponere, quia hoc est in praeecepto in casu. Si autem non immunit talis casus, sic est in consilio, quia omnia consilia in casu sunt in praeeipto.

Ad primum ergo dicendum, quod Deus praecepit praedicare, tamen ordinate, et eo modo quo utile sit salutem animarum.

Ad secundum dicendum, quod non est aliiquid dimittendum quod sit secundum Deum, timore mortis. Quod si aliquis sine

causa et sine necessitate se ingerat ad periculum, non fit sapienter.

Ad tertium dicendum, quod falsum est. Nam secundum Augustinum, aliquando Imperator peccat praecipiendo, quod devotus miles non peccat obediendo; maxime si militi non constet illud esse peccatum.

## ARTICULUS XXIX.

*Utrum licet praedicatoribus recipere eleemosynas ab usurariis.* — (4. dist. 15, quæst. 2, art. 4, quæst. 2, et 3, corp.)

Tertio, utrum licet praedicatoribus recipere eleemosynas ab usurariis: et videtur quod sic. I ad Cor. ix, 2: *Si nos vobis spiritualia seminarimus, magnum est si nos carnalia vestra emamus?*

2. Praeterea, ius naturale habet quod homo vivat de labore suo: *Dignus est enim operarius mercede sua;* I Tim. v, 18. Hoc enim concessum est homini a Creatore: *In sudore cultus tui vesceris pane;* Genes. iii, 19.

Contra, usurarii nihil habent nisi quod est alienum.

Respondeo dicendum, quod de rapina usurariorum et hujusmodi, in generali loquendo, non potest fieri eleemosyna; Isai LXI, 8; *Odio habens rapinam in holocaustum,* tamen in speciali casu praedicatoribus qui praedicant usurariis, et monent eos restituere, licetum est accipere; et haec est una ratio. Alia est quando non habent alias unde vivant, et in extrema necessitate omnia sunt communia, et ab omnibus liceat accipere ad sustentationem et necessitatem possunt.

## QUÆSTIO XIX.

Deinde quæsitus fuit de officio confessorum: utrum aliquis possit confessiones audire de indulgentia Domini Papæ sine voluntate proprii praelati. — (4. dist. 17, quæst. 3, art. 3, quæst. 5.)

## ARTICULUS XXX.

*Utrum aliquis possit confessiones audire de indulgentia Papæ sine voluntate proprii praelati.* — (4. dist. 17, quæst. 3, art. 3, quæst. 5.)

Et videtur quod non. Quia quilibet tenetur confiteri proprio sacerdoti. Ergo etc.

2. Praeterea, Papa nulli praejudicat propter aliquam indulgentiam.

Contra, Papa est super omnes. Ergo cui vult quid et quantum vult, potest committere et indulgere.

Respondet dicendum, quod quidam dicunt quod quilibet sacerdos potest absolvere quilibet a quilibet peccato; et licet non bene faciat absolvendo, tamen absolutus est. Et ratio horum fuit, quia simul datur presbytero in sua ordinatione potestas consecrandi corpus Christi, et potestas clavum; et ideo, sicut potest consecrare quilibet hostiam, ita potest absolvere quilibet. Sed hoc est erroneum; quia nullus potest absolvire propria auctoritate nisi eum qui est aliquo modo sibi subditus, quia actus fiunt in materia propria, et absolutio sacramentalis habet iudicium annexum; et hoc, scilicet iudicium, non est nisi in subditos et inferiores. Qui ergo non habet subditum, non potest absolvere: et sic iurisdictionem materiam sacerdotio determinata; secus autem est de hostia, quae est materia determinata. Cui ergo nulla cura committetur, habet clavem ligata, ut juristae dicunt, scilicet quia non habet omnino materiam.

Alii dicunt, quod nullus potest etiam auctoritate superioris praelati absolvere subditum inferiori praelati contra voluntatem ipsius; puta, non potest auctoritate Episcopi contra voluntatem parochialis aliquem absolvere. Hoc etiam est erroneum: quia ad absolvendum requiritur potestas sacerdotalis et iurisdictionis. Episcopus autem habet immediatam iurisdictionem in omnes; unde Episcopos potest omnium confessiones audire, etiam contra voluntatem presbyteri parochialis, et similiter etiam ille cui Episcopus commitit, et multo magis si Papa commitit. Tamen Archiepiscopus, quia non habet immediatam iurisdictionem in omnes sui archiepiscopatus nisi ex appellatione, non posset alicui dare licentiam vel auctoritatem audiendi confessiones contra voluntatem Episcopi et dioecesani suffraganei.

Ad primum ergo patet per ea quae dicta sunt, quia Episcopus et Papa plus potest quam sacerdos.

Ad secundum dicendum, quod hoc non est in praejudicium, sed in auxilium; quia audire confessiones non est statutum in favorem sacerdotum; alias essent multum infelices servi, si propter honorem sacerdotum confiteri peccata esset necessarium; sed hoc est introductum ad salutem animarum.

#### QUAESTIO XX.

Deinde quaesitum fuit de officio vicariorum, ut in vicarius alicujus possit vices suas committere alteri.

#### ARTICULUS XXXI.

*Utrum vicarius alicujus possit vices suas committere alteri.*

Et videtur quod sic. 1. Quia effectus habens virtutem causae potest in ea in qua potest causa.

2. Contra, quia hoc videtur esse contarium illi Prov. xxvii, 23: *Diligenter agnosce vultum pecoris tui.*

Respondeo dicendum, quod ille qui constitutus vicarius, non potest totam suam potestatem committere, sed potest partem; quia intentio committentis est ut exequatur secundum quod potest ille cui committit; et forte talis non potest totum facere quod sibi committitur, et ideo potest aliquid alteri committere.

Ad primum ergo dicendum, quod effectus non habet semper totam virtutem causae, nisi esset Episcopus.

Ad secundum dicendum, quod hoc ipsum facit ut cognoscat vultum pecoris.

#### QUAESTIO XXI.

Deinde quaesitum fuit de pertinentibus ad culpam. Et primo de peccatis. Secundo de poenis. De primo quaesita fuerunt duo: 1<sup>a</sup> de pertinentibus ad culpam originalem; 2<sup>a</sup> ad culpam actualem.

#### ARTICULUS XXXII.

*Utrum peccatum originale traducatur per traductionem seminis.*

De peccato originali quaesitum fuit, utrum traducatur per traductionem seminis.

Respondeo dicendum, quod sic: quia peccatum originale est peccatum naturae; et non attingit personam nisi in quantum est in tali natura: tota autem humana natura est sicut unus homo. Ubicumque ergo illa natura reperitur, ibi est peccatum naturae, quod est originale.

Nota, quod percussio habet rationem culpe non in quantum ipsius manus, sed in quantum fit a principio voluntatis.

#### QUAESTIO XXII.

Deinde quaerebatur de culpa actuali. Et primo de peccato cogitationis duo fuerunt quaesita.